

IN NOMINE DOMINI, AMEN.

HEXASTYLIUM  
THEOLOGICUM,

In Fundamentis Oblamkovianæ Liberalitatis,  
Cursu Triennali Theologico Morali

ERECTUM.

SEU

# CONCLUSIONES

Ex Tractatibus Sex Theologiæ Moralis,

Ad Mentem D. THOMÆ Doctoris Angelici,

Ex Prima 2da. & Secunda 2da Summae Theologicae.

COLLECTÆ.

Q V A S

IN SUI PRÆSIDENTIA

M. JOSEPHVS WISNIEWSKI,

S. Th. Baccalaureus, Ecclesiæ Collegiæ S. FLORIANI

CANONICVS, vti ejusdem Cursûs Oblamkoviani Professor.

PROPOSUIT.

Propugnandas verò

M. BASILIUS SAWICKI,

Philosophiae Doctor, Novodvorscianus Grammatices Professor,

*eiusdemq; Cursus Auditor,*

SUSCEPIT,

In Lectorio DD. Theologorum,

Anno Salutis Humanæ per Verbum Incarnatum Erectæ,

1699. Die 22. Februarij.

CRACOVIAE, Typis UNIVERSITATIS.



**Q**uam beata Domus David, ex qua prodijsti! quæ Virginei thalami  
**MATER** extitisti, quæ promissionis germen sterili ventre pe-  
 peristi, ac benedictionis **FRUCTUM**, Virginem **MARIAM**, vberibus  
 Tuis nutritivisti! ex qua dulcis **IESVS** prodijt, cuius Virginis & glori-  
 osus fuit ortus, & partus mundo sublimior.

*S. Ioannes Damascenus Oratione 2. de Nativitate Beata **MARIÆ** Virginis.*



Theologastræ Verbi Incarnati, Sterili sæcunditatis **MATRI**.  
 Statûs Coniugalîs **SPECULO**, Vidualis Castitatis **EXEMPLO**,  
**FILIÆ** **GAZARI**, Tribus Davidicæ **PROPAGINI**.  
**LUCERNÆ** inextincti Luminis, & **Æternorum** Matri Luminum,  
 Dilectæ **JESU CHRISTI AVIÆ**,  
 Magnæ Matris **DEI Genitrici**,  
**DIVÆ ANNÆ METTERTIÆ.**

Almæ Universitatis Cracoviensis **PATRONÆ**, & præsentî **TUTELÆ**,  
 Fundamento Divorum in Montibus Sanctis erecto,  
 Universali Omnium Gratiarum Conclusioni,  
 Mearum **HEXASTYLIUM** Conclusionum,  
 In perpetuum Materni Patrocinij tutamen, & præsidium subijcio,  
*Minimus Clientum, M. J. W.*



thalam  
ntre pe  
beribus  
& glori  
inis.

# CONCLUSIONES

## EX CVRSV THEOLOGICO MORALI.

### EX PROÆMIO TRACTATIONIS.

CONCLUSIO. **T**heologiæ Moralis Obiectum, sunt Actus, quibus Creatura Rationalis potest ad DEVM, tanquam Vltimum Finem peruenire, & alia quæ ad hos Actus sunt necessaria, tanquam ipsorum Principia.

COROLLARIUM. Doctrina Theologiæ Moralis, ex quo constat Regulis Operandi in Genere Moris, ex eo est Practica.

### EX TRACTATU I. De Fine Vltimo Hominis.

CONCLUSIO I. Datur Vltimus Finis Simpliciter Actionum Humanarum, qui est Specificativus earum.

COROLLARIA. { 1. Agere Propriè & Formaliter propter Finem, soli Creaturæ Rationali, vt Homini & Angelo conuenit, non item verò Brutis.  
2. DEVS in Actionibus suis Necessarijs & Immanentibus, non agit propter Finem, qui sit Finis ipsius; in Liberis tamen Actionibus operatur Propriè propter Finem, qui est vera Causa Finalis Effectûs producti.

CONCLUSIO II. Homo Efficaciter & Absolutè plures Vltimos Fines Totales & Adequatos simul intendere non potest.

CONCLUSIO III. Homo quæcunq; Vult & operatur, licet Formaliter Vltimum Finem Formalem seu Generalem, hoc est, Beatitudinem in Communi non intendat, bene tamen Virtualiter & Interpretatiuè.

### De Beatitudine Obiectiua & Formali Hominis.

CONCLUSIO IV. Beatitudo Obiectiua Hominis & vt *Quod*, est solus DEVS, vt potè summè & infinitè Bonus, Virtualiter & Eminenter omnia in se continens, Appetitumq; Rationalem perfectè satians.

COROLLARIUM. Beatitudo Obiectiua Hominis non consistit in aliquo Bono Creato, nec in Bonis Fortunæ, nec in Bonis Corporis, nec demum in Bonis Animi.

CONCL: V. Beatitudo Formalis & vt *Quo*, consistit Essentialiter in sola Actuali Operatione, seu Actu Intellectûs, qui est Clara DEI Visio, non verò in Actu Voluntatis.

COROLLARIA. { 1. Operatio hæc, in qua consistit Formalis Beatitudo, est Quid Creatum.  
2. Eadem Operatio producit Efficienter à Beato, & non mere Passiue se habet ad illam.  
3. Prædicta Operatio multiplicatur iuxta pluralitatem Subiectorum, quæ ab illa dicuntur Beata.  
4. Beatitudo Formalis Essentialiter consistit in Visione Diuinæ Essentiæ tam secundum Rationem *Absolutam*, quam secundum Rationem *Relatiuam*, nimirum vt est in Personis.  
5. Formalis Beatitudo non consistit in Illapsu DEI in Essentiam Animæ, vel eius Potentias.

### De Proprietatibus Formalis Beatitudinis.

CONCLUSIO VI. Beatitudinis Formalis Proprietates sunt 4. videlicet Amor, Gaudium seu Delectatio, Impeccabilitas & Perpetuitas seu Inamissibilitas.

{ 1. Beatus Necessariò amat Deum, Necessitate nedum *quoad Specificationem*, sed etiam *quoad Exercitium*.  
2. Beatus Videns Deum, comprehendit eum, Comprehensione sumptâ pro Tentione & Adoptione eius Rei, quam quis insequitur & sperat: non verò sumptâ pro Inclusionem Comprehensi in Comprehendente.



- COROLLARIA.** 3. Animæ Beatæ Dotes sunt 3. Visio, Comprehensio & Fruitio, seu iuxta quosdam Delectatio.
4. Corporis Glorificati Dotes sunt 4. Impassibilitas, Subtilitas, Agilitas & Claritas seu Luciditas.
5. Præter Essentialem Beatitudinem & Dotes Animæ Beatæ ac Corporis Glorificati omnibus Beatis convenientes, dantur Aureolæ aliquibus solum, ob singularem Virtutum eximios Aëtus, competentes, suntq; 3. Martyrum, Virginum & Doctorum.

## EX TRACTATU II. De Actibus Humanis. De Voluntario & Involuntario.

**CONCLUSIO I.** Voluntarium Perfectum (quod nimirum procedit à Principio Intrinseco cum cognitione Finis & Circumstantiarum) in solis Actibus Humanis reperitur. Imperfectum verò etiam in Brutis, locum habet.

1. Per id, quod dicitur Voluntarium Perfectum in solis Hominibus reperiri, non excluditur Deus & Angeli, sed tantum Bruta Ratione carentia.

**COROLLARIA.** 2. Voluntarium Perfectum non est idem cum Libero, sed illud comparatur ad hoc, tanquam Superius ad suum Inferius.

3. Ratio Voluntarij perfectius reperitur in Actibus Necessarijs, quam in Liberis.

**CONCL: II.** Voluntarium Indirectum alias Interpretativum potest esse sine omni Actu Formali Voluntatis.

**CONCL: III.** Ad Voluntarium Indirectè, seu Ad hoc, ut Omissio & Effectus ex illa sequens sint Voluntaria, requiritur Debitum seu Obligatio ponendi Actum, qui omittitur.

**CONCL: IV.** Voluntati, etsi quoad Actus Imperatos possit inferri Violentia, non tamen quoad Actus Elicitos.

**COROLLARIA.** 1. Non solum Voluntati, quantum ad Actus ab ea Imperatos, infertur Violentia, sed etiam ipsis Potentijs Inferioribus, à quibus eiusmodi Actus eliciuntur.

2. Non solum Voluntas, sed nec vlla Creatura potest pati Violentiam à Deo.

**CONCL: V.** Violentia cum procedat à Principio Extrinseco, Passio non conferent Vim, hinc est, quod Violentia Actiue sumpta causat Involuntarium Simpliciter.

**CONCL: VI.** Metus non causat Involuntarium Simpliciter, sed Ea quæ fiunt ex Metu sunt Voluntaria Simpliciter, & Involuntaria tantum Secundum quid.

**COROL:** In his, quæ Metu fiunt, sufficiens est Voluntarium ad Peccatum Morrale.

**CONCL: VII.** Concupiscentia seu Passio Vehemens non causat Involuntarium etiam Secundum quid, licet interdum Per accidens aliquid Involuntarij admittat.

**CONCL: VIII.** Ignorantia Antecedens Actum Voluntatis causat Involuntarium Simpliciter, obindeq; excusat à Peccato.

**COROL:** 1. Ignorantia Consequens causat Voluntarium Simpliciter & Involuntarium Secundum quid, vnde accusat de Peccato.

**COROLLARIA.** 2. Ignorantia Concomitans, nec Voluntarium, nec Involuntarium, sed Non Voluntarium causat, proinde nec accusat, nec excusat à Peccato.

## De Simplici Volitione.

**CONCL: IX.** Obiectum Voluntatis seu Simplicis Volitionis est solum Bonum prout abstrahit à Vero & Apparenti.

**COROLLARIUM.** Voluntas non potest ferri in Malum sub ratione Mali.

**CONCL: X.** Voluntas sumpta pro Potentia Volitiua respicit non solum Finem sed etiam Media. Sumpta verò pro Primo Actu suo, sic respicit solum Finem, ut Obiectum Adæquatum.

**COROLLARIUM.** Cum Omnis Actus Voluntatis necessario versetur tantum circa Finem vel circa Media, consequenter non datur Actus neuter ab utroq; horum abstractus & distinctus, ad quem Voluntas terminetur.

De



## De Motiui Voluntatis.

**CONCLUSIO XI.** Voluntas mouetur ab Intellectu *Quoad Specificationem Actus* in Genere Causæ Finalis & Formalis Extrinsecæ, dum per apprehensionem Obiecti applicat & proponit ei id, quod tam ipsa, quam Actus eius specificentur Formaliter.

1. Voluntas mouetur etiam ab Appetitu Sensitiuo Ex parte Obiecti, sed Indirecte ac Mediate & manente Ratione libera.
2. Voluntas mouet etiam seipsam, & alias Potentias *Quoad Exercitium* de Potentia ad Actum Physicæ & Effectiue Actum Volitionis virtute suâ intra se eliciendo. Non tamen mouet Potentias Animæ Vegetatiuæ.
3. Etiam à DEO mouetur Voluntas ad operandum non solum Moraliter & Ex parte Obiecti ab Intellectu specificati, sed etiam Physicæ & Ex parte ipsius Potentiæ Volitiuæ.
4. Insuper eadem Voluntas mouetur quoq; ab Angelis, imò & à Corporibus Cælestibus ad Volitionem alicuius Finis, aut Indirecte & Per accidens.

**CONCL: XII.** In Processu Agentis Intellectualis, Actus Intellectus & Voluntatis præcipui numerantur 8. videlicet Simplex Volitio, Intentio, Consilium, Consensus, Electio, Imperium, Vsus & tandem Fructio.

1. Simplex Volitio est ipse Finis.
2. Intentio est Formaliter Actus Voluntatis circa Finem tam Vltimum, quam Non Vltimum, vt per Media Efficaciter obtinendum, ex directione Intellectus proueniens.
3. Consilium est Inquisitio Mediorum & Iudicium Rationis Practicæ de Conuenientia & Bonitate eorum, quando Res est dubia & momenti alicuius.
4. Consensus Voluntatis est Approbatio Mediorum propositorum eorumq; Acceptatio tanquam vtilium & conducentium ad Finem præintantum.
5. Electio est Actus Voluntatis præsupponens Actum Intellectus, circa Media, quorum vnum acceptat præ alio in ordine ad Finem.
6. Imperium (quod Substantialiter est Actus Intellectus, Necessariò præsupponens Actum Voluntatis) est Ordinatiua cum Motione quadam Intimatio alicuius Operis exercendi.
7. Vsus est Actus Voluntatis applicans cæteras Potentias ad operandum.
8. Fructio est Delectatio ex Amore & præsentia ac possessione Rei amatæ causata. Vnde Perfecta Fructio est solum Vltimi Finis obtenti, qui solus totaliter satiat & quietat Appetitum.

**COROLLARIUM.** Ex his Ad Ordinem Intentionis pertinent 5. nimirum Simplex Volitio, Intentio, Consilium, Consensus & Electio. Ad Ordinem verò Executionis 3. Imperium, Vsus, & Fructio.

## De Moralitate, seu Bonitate & Malitia Actuum Humanorum in Genere.

**CONCLUSIO XIII.** Ad Moralitatem Actuum Humanorum omninò requiritur Libertas, non tamen est ipsa Moralitas Formaliter.

**XIV.** Ad Humanorum Actuum Moralitatem, seu Ad Meritum vel Demeritum, non sufficit Libertas *Spontaneitatis* seu à Coactione, sed requiritur Libertas *Indifferentiæ* seu Contingentiæ.

**XV.** Vt Actus Humani sint Moraliter Boni aut Mali, Meritorij vel Demeritorij, non requiritur necessariò Libertas Contrarietatis seu *Specificationis*, sed sufficit Libertas *Contradictionis* seu Exercitij.

**XVI.** De Essentia Libertatis est Indifferentia *Contradictionis*, seu Potestas ad agendum, vel non agendum: & non est necessaria Indifferentia *Contrarietatis* ad Bonum vel Malum.

**XVII.** Moralitas Actuum Humanorum adzquatè diuiditur in Bonitatem & Malitiam Moralem, adeoq; Indifferentia non est Species Moralitatis, media inter Bonitatem & Malitiam.

**XVIII.** Moralitas Actuum Humanorum consistit Formaliter in Relatione Transcendentali Actus liberi ad Regulas Morum.



CONCLUSIO XIX. Regulae Moralitatis Actuum Humanorum sunt Duæ. Una est Prima, Remota & Extrinseca, nimirum Lex Æterna in Mente DEI existens. Altera verò Proxima & Intrinseca ac in Homine residens, nempe Dictamen Rationis, prout prædictam Legem participat, eiq; subordinatur.

XX. Formale illudq; Primum & Essentiale Specificativum Moralitatis Actuum Humanorum est Obiectum, ut consonum vel dissonum Regulis Morum.

XXI. Actus Humani etiam aliquam Bonitatem vel Malitiam Accidentalem desumunt à Circumstantiis, tanquam Accidentibus Prædicamentalibus eisdem Actus Moraliter afficientibus, Quæ communiter numerantur 7. *Quis, Quid, Vbi, Quibus Auxilijs, Cur, Quomodo, Quando.*

XXII. Desumunt interdum, Actus Humani suam Bonitatem vel Malitiam à Fine Extrinseco Operantis bono vel malo, distinctam ab ea, quam habent Ex Obiecto & Fine Intrinseco Operis.

XXIII. Idem Numero Actus Humanus simul & eodem Tempore non potest habere diuersas Species Moralitatis, & esse Bonus ex Obiecto, Malus verò ex Fine. Vel è contra Malus ex Obiecto & Bonus ex Fine.

1. Idem Actus Externus potest successiue transire de Bono in Malum.

2. Idem Actus potest simul habere duas Species Bonitatis, vel duas Species Malitiæ.

COROLLARIA. 3. Quando Actus habet Obiectum Secundum se Bonum & simul Finem Bonum, tunc simul duas habet Species Bonitatis Moralis.

4. Quando Obiectum est Bonum & Finis Malus, tunc Actus ratione ipsorum non duas habet Species In Genere Moris, sed vnā duntaxat quam desumit ex Fine.

5. Actus habens Obiectum & Finem Malum, ratione vtriusq; duas simul habet Species Malitiæ Moralis.

XXIV. Dantur Actus Humani ad Bonitatem vel Malitiam Moralem Indifferentes Secundum suam Speciem. Nullus tamen datur Actus Indifferens Secundum Individuum, sed necessariò debet esse determinatè Bonus, vel determinatè Malus.

## De Moralitate Actus Interioris & Exterioris, Voluntatis.

CONCLUSIO XXV. Actus Interior Voluntatis debet esse conformis Conscientiæ, ut pote quæ Est Iudicium Intellectus Practici dictans de Bonitate vel Malitia eorum, quæ *Hic & Nunc* à nobis sunt agenda.

1. Conscientia nedum Recta, sed etiam Erronea semper obligat, ne contra ipsam faciamus, adeo ut semper sit Malum Conscientiæ etiam Erroneæ resistere, aut contra eam agere, nisi prius deponatur.

COROLLARIA. 2. Contra Conscientiam Practicè dubitantem de Bonitate vel Malitia Actus operari non licet.

3. Intentio Boni Finis non excusat Malitiam prauæ Electionis. Et sic ea quæ sunt Intrinsecè Mala, ut Mendacium, Furtum, Homicidium, &c. ex nullo Bono Fine honestari possunt.

XXVI. Licitum est sequi Conscientiam & Opinionem Probabilem asserentem posse aliquid licitè fieri.

1. In Rebus Dubijs & in Opinionum Probabilium conflictu, non licet sequi Opinionem minus Probabilem fauentem Libertati, in concursu alterius Probabilioris, quæ fauet Præcepto.

COROLLARIA. 2. Quando occurrunt Duæ Opinionēs in Materia Morum æquè Probabiles, seu habentes Rationes æquales, quarum vna non præponderat alteri, tunc eligenda est tutior, & minus tutæ præferenda.

XXVII. Actus Exterior, qui est mera executio Interioris Actus Voluntatis, non addit illi Bonitatem vel Malitiam Moralem Intrinsecam: sed Actus Exterior gaudet tantum Bonitate vel Malitiâ ab Actu Voluntatis Interiore seu Imperante desumpta.

COROLLARIUM. Actus Exterior non addit Actui Interiori Voluntatis Bonitatem vel Malitiam Simpliciter in Ordine ad Præmium vel Pœnam Essentialem, sed solum Secundum quid, & in Ordine ad Præmium vel Pœnam Accidentalem.



*Vna est*  
*existens*  
*nen Re*  
*um Hu*  
*m defu*  
*dem A*  
*id, Vbi*  
*ine Ex*  
*Obiecto*  
*t habe*  
*x Fine*  
*Species*  
*em Bo*  
*e ipso*  
*t quam*  
*nul ha*  
*erentes*  
*um In*  
*Malus*  
*atis*  
*tiæ, vt*  
*ti co*  
*contra*  
*roneæ*  
*Auûs*  
*ea quæ*  
*ex nul*  
*m pos*  
*requi*  
*alteri*  
*abiles,*  
*alteri,*  
*on ad*  
*r gau*  
*te de*  
*m vel*  
*Solum*  
*De*

## De Virtutū in Communi Natura, Subiecto, & Divisione.

CONCLUSIO I. Virtus Theologicè sumpta rectè definitur à D. Augustino, quòd sit Bona, Qualitas mentis, quā rectè vivitur, quā nullus malè vitur, & quam Deus in nobis, sine nobis operatur.

COROL: Virtus Humana est Habitus Operativus, & cum Potentijs Per se Primò concurre ad Bonitatem Moralem Actuum Humanorum, & ad eorum facilitatem ac delectabilitatem; Secundariò Vero tantum ad Entitatem Physicam substratam Bonitati Morali Actūs, eiusq; facilitati.

CONCL: II. Subiectum Virtutis Simpliciter sumptæ, est Intellectus vt mobilis à Voluntate per affectum Boni honesti & Moralis.

CONCL: III. Virtus rectè dividitur in Intellectualem, Moralem & Theologicam. Quarum *Intellectualis* perficit Intellectum ad Cognitionem Veri, subdividiturq; in 5. Habitus Intellectuales. *Moralis* complet Voluntatem ad prosecutionem Boni honesti. subdividiturq; in 4. Virtutes Cardinales. Et tandem *Theologica*, quæ circa Deum Immediate versatur. subdividiturq; in Fidem, Spem & Charitatem.

COROL-  
LARIA. { 1. Inter Morales & Theologicas Virtutes hoc intercedit Discrimen, quòd illæ in Mediocritate consistunt, & fugiunt Excessum vel Defectum, non verò istæ.  
2. Virtutes Morales in Statu perfectò, ita sunt inter se connexæ, vt qui vnâ crearet, nullam perfectè habeat.

## EX TRACTATU III. De Peccatis.

CONCL: I. Vitia & Peccata sunt disconvenientia Naturæ Humanæ, nedum vt Rationalis est, sed etiam vt Sensitiva, idq; si spectetur secundum inclinationem Universalem.

CONCL: II. Essentiale est cuilibet Peccato esse contra rectam Rationem & Legem Aeternam, consequenter esse Iniuriam & Offensam DEI.

CONCL: III. Omnia Peccata non sunt inter se connexa, & non sunt æqualia in Malitia & Gravitatē.

COROL-  
LARIA. { 1. Peccatum quod opponitur Virtuti præstantiori, est gravius Simpliciter & secundum Speciem.  
2. Peccatum aggravatur non solum ratione Personæ in quam peccatur, sed etiam ex magnitudine Personæ peccantis.  
3. Peccata Mortalia De facto privant Gratiā Dei, & inducunt Reatum Pænæ Aeternæ; secus verò Venialia.  
4. Inæqualitatem Peccatorum Mortalium sequitur Inæqualitas Pænarum in Inferno, non solum quoad Pænam *Sensūs*, sed etiam quoad Pænam *Damni*.  
CONCL: IV. Distinctio Specifica Peccatorum desumitur ex *Obiectis* in quæ tendunt, non verò ex *Præceptis* quibus opponuntur.

COROL-  
LARIA. { 1. Peccatum tantò est gravius, quantò Obiectum eius est peius.  
2. Gravitās *Essentialis* & *Primaria* Peccatorum sumitur ex Obiecto, *Accidentalis* verò & *Secundaria* ex Circumstantijs non mutantibus Speciem.

## De Subiecto Peccatorum.

CONCL: V. Subiectum Peccati non solum est Voluntas, sed quantum ad Malitiam *Formalem* Peccatum subiectari quoq; potest Intrinsicè in Appetitu Sensitivo, quantum autem ad Malitiam *Moralem* quam importat, etiam in Intellectu: non item verò in Membris Corporis, aut in Sensibus Externis.

CONCL: VI. Motus Sensualitatis inordinati circa Obiecta illicita, & Lege Dei prohibita, *Plene deliberati* sunt Peccata Mortalia, *Secundo primi*, Venialia. *Primoprimum* autem nec Mortalia, nec Venialia.

## De Causis Peccatorum.

CONCL: VII. Ignorantia *Vincibilis*, ex parte Intellectus, est Causa Peccati, non quidem  
B. Directe



Directè & Per se, sed Indirectè & Per accidens, seu vt Removens prohibens, nimirum Scientiam.

COROL. { 1. Ignorantia *Invincibilis* & Antecedens non est Causa Peccati, imò ab eo excusatur.  
LARIA. { 2. Nullum unquā contingit in Voluntate Peccatū absq; prævio Intellectus defectu.

CONC: VIII. Passio seu Concupiscentia ex parte Appetitus est etiam Causa Peccati, non quidem Directè sed Indirectè.

COROL: Passio Antecedens seu antevertens Voluntatem & Iudicium Rationis, alleviat Peccatum & interdum excusat ab eodem; Consequens verò Voluntatem & Rationem, aggravat idem Peccatum.

IX. Malitia ex parte Voluntatis etiam est Causa Peccati.

COROL: Peccatum *Ex Malitia*, cum fiat nullā impellente Passione, sitq; magis voluntarium, obinde gravius est Peccato *Ex Passione*.

X. Deus Gloriosus nec Directè, nec Indirectè seu Per accidens, potest dici Causa Peccati.

XI. Diabolus tamen per modum proponentis Obiectum Malum & excitantis Appetitum Sensitivum est Causa Peccati.

### De Peccato Originali.

CONCL. XII. Peccatum *Originale* traducitur ab Adamo in posteros per Generationem & Seminalem propagationem.

COROL. Pueri non solum ex Infidelibus, sed etiam ex Fidelibus nati contrahunt Peccatum Originale, imò omnes Adæ posterius huic Peccato sunt obnoxij, nisi Speciali Privilegio sint exempti, vt Beatissima Virgo Maria ab æterno præservata. S: verò Joannes Baptista & Ieremias Propheta ex post in utero Matris sanctificati.

CONCL: XIII. Essentia *Originalis* Peccati est Privatio Iustitiæ Originalis, Voluntaria nobis ex Vi Peccati Adæ, in quantum aufert Effectum Primarium talis Iustitiæ communem ipsi & Gratiæ Sanctificanti, qui est, Sanctificare & Rectificare Animam in Ordine ad Deum.

XIV. Subiectum Immediatum Peccati *Originalis* est Anima, secundum suam Essentiam, vt pote capax Culpæ.

XV. Effectus *Originalis* Peccati *Ratione Anima* est subtractio Iustitiæ Originalis tam secundum Essentiam, quam secundum Partem Superiorem Potentiarum Animæ, inter quas reperitur Inordinatio propter illa Quatuor Vulnera, qualia sunt, Ignorantia in Intellectu, Malitia in Voluntate, Infirmitas in Appetitu Irascibili, & Rebellio Concupiscentiæ in Appetitu Concupiscibili, seu Habitualis Inclinator ad Bonum Sensibile Rectæ Rationi repugnans, vulgò *Fomes Peccati*.

XVI. *Ratione Corporis* Effectus Peccati *Originalis* sunt Dolores, Necessitas Moriendi & aliæ Vitæ huius Pœnalitates.

### De Peccato Commissionis & Omissionis.

CONCL. XVII. Peccatum *Commissionis*, (quod fit contra Præceptum Negativum) in ratione Mali Moralis non constituitur per Privationem, sed per Aliquid Positivum, quod est Ordo & tendentia Realis, Actus Humani ad Obiectum, vt Regulis Morum, Legi scilicet Divinæ & Rationi dissonum.

CONCL. XVIII. Omissio *Culpabilis* [quæ fit contra Præceptum *Affirmativum*] non potest dari sine Actu præcedente aut concomitante, qui sit Causa vel Occasio omittendi.

### De Peccato Mortali & Veniali.

CONCL. XIX. Peccatum *Mortale* in ratione Offensæ continet Malitiam & Gravitatem in *Esse Moris* Simpliciter Infinitam.

COROL: Mortaliter peccans Ultimam Finem in Creatura Virtualiter saltem & Interpretativè constituit.

CONCL. XX. Peccatum *Veniale* disponit Indirectè ad Mortale; nunquam tamen potest

ita ag-



ita aggravari, ut transeat in Mortale, neq; ex multis Venialibus potest unquam fieri unum Mortale.

XXI. Peccatum *Mortale* ex se & ex Malitia sua Intrinseca, tamen si præter Corruptionem Naturæ, inducat Maculam seu privationem Nitoris Gratiæ Sanctificantis, & insuper Reatum Pænæ Aeternæ tam *Damni* quam *Sensus*. Veniale tamen Peccatum Reatum Pænæ solum Temporalis trahit.

## Ex TRACTATU IV. De Legibus.

CONCL. I. Lex *Humana* est quædam Regula & Mensura Actuum Humanorum, secundum quam inducitur aliquis ad agendum, vel ab agendo retrahitur.

CONCL. II. Lex eiusmodi consistit Essentialiter in Actu Imperij Intellectus Practici, Præsuppositivè tamen & De Connotato importat Actum Voluntatis.

III. Leges debent esse firmæ ac permanentes, durareq; ac obligare debent, quoadusq; revocentur.

IV. Leges debent ferri pro tota Communitate, ad quam Iure Naturæ pertinet easdem condere, ordinanturq; semper ad Bonum Commune.

V. Ut Lex Actualiter obliget sibi subditos etiam in Foro Interno, necesse est ut sufficienter promulgetur Communitati.

VI. Officia Legis præcipua sunt Duo, scilicet Dirigere & Obligare. Effectus verò præcipuus est Reddere Homines bonos.

VII. Actus Legis sunt Quatuor, Præcipere, Prohibere, Permittere & Punire.

VIII. Lex *Aeterna* est Ratio Divinæ Sapientiæ existens in Deo ab æterno, secundum quod est Directiva omnium Actuum & Motionum singularum Creaturarum in Ordine ad Bonum Commune totius Universi.

IX. Omnis Lex, in quantum habet rationem Legis & participat Rationem rectam, derivatur, aut diversimode, à Lege *Aeterna*, cui omnia quæ sunt in Rebus, sive Necessaria, sive Contingentia, subijciuntur.

X. Lex *Natura* est iudicium, seu dictamen Rationis Naturalis Practicæ, à Natura seu Authore Naturæ nobis inditum, quæ quis iudicat Bonum esse prosequendum & Malum fugiendum.

XI. Omnia Præcepta Decalogi [excepto *Tertio* De Sanctificatione Sabbathi] pertinent ad Legem Naturæ.

XII. Omnes Actus Virtutum Moralium, si spectentur secundum suam rationem Genericam, seu ut sunt Virtuosi, sunt De Lege Naturæ. Non verò si considerentur secundum seipsos & in proprijs Speciebus.

XIII. Lex Naturalis etsi Propriè per Cessationem, vel per Abrogationem, aut per Dispensationem mutari nequit, bene tamen Impropriè, in quantum variatur Materia Legis propter aliquas Circumstantias occurrentes. Unde nonnunquam eget Declaratione & Interpretatione.

XIV. Ad Legem *Humanam*, [quæ nimirum fertur ab Homine legitimam potestatem habente] sicut non pertinet Actus omnium Virtutum præcipere, sed tantum eos qui ordinantur ad Bonum Commune; ita non pertinet ad eandem omnia Vitia prohibere, sed tantum ea, quæ Bono Publico adversantur.

1. Legislator tamen *Ecclesiasticus* habet potestatem ad prohibenda omnia Peccata Mortalia.

COROL. 2. Lex Humana non potest præcipere aut prohibere Actus purè Internos, qui nullam cum Exterioribus Connexionem habent, Nec illos qui tantum Per accidens cum illis coniunguntur, Bene tamen illos, qui Per se requiruntur ad integritatem Exteriorum in Genere Moris.

XV. Lex Humana tam *Civilis*, quam *Ecclesiastica* habet vim & efficaciam Obligandi ad *Culpam* & in Foro Conscientiæ si Materia sit gravis; imò interdum obligare potest ad sui Observantiam cum periculo ac dispendio Vitæ.



**XVI.** Lex *Penalis* est, quæ Præcepto vel Prohibitioni expressè apponit Pœnam. Obligat autem non solum ad Pœnam, sed etiam ad Culpam, nisi Legislatores contrarium expresserint.

**XVII.** Lex *Penalis*, ante Sententiam Judicis, obligat in Foro Conscientiæ ad Pœnas Passivas seu Privativas, ut sunt Excommunicatio, Irregularitas, Suspendio, Privatio Vocis Activæ & Passivæ: non tamen ad Pœnas Activas, quæ requirunt aliquam Actionem Executivam, ut sunt Pœna Mortis, Exilij aut Spoliationis Bonorum.

**COROL.** Transgressor Legis *Penalis*, post Sententiam Judicis tenetur in Conscientia subire Pœnam Legis illam, quæ ad sui Executionem requirit Actionem, quæ commodius exercetur ab ipso Reo, v. g. Pœnam Exilij, vel Pœnam Pecuniariam. Non tamen tenetur ad Pœnam illam, ad cuius Executionem requiritur Actio, quæ commodius exercetur à Judice vel eius Ministro, v. g. Non tenetur seipsum Occidere, Mutilare aut Venenum sumere.

**XVIII.** Non solum subditi, sed etiam Principes & Legislatores subduntur Legibus suis, quantum ad Vim *Directivam*, sed non quoad *Coactivam* seu *Côercitivam*.

**XIX.** Peregrini & omnes itinerantes obligantur ad servandas Leges Territorij non proprii, sed illius per quod transeunt.

**XX.** Lex Humana mutari, abrogari imò & dispensari potest ex iusta & rationabili Causa, dum occurrit evidens Necessitas & Boni Communis utilitas.

**XXI.** Per *Epykiam*, seu prudentem Legis interpretationem licet interdum agere contra Verba Legis, sit tunc observatio Literalis esset Comuni Bono & Saluti perniciofa.

**XXII.** *Consuetudo*, quæ est Jus quoddam, moribus & Actibus bonis totius Communitatis introductum, potest habere vim Legis, quâ singuli de Communitate obligentur, non secus ac Lege Scriptâ.

**XXIII.** Lex *Vetus* verè à Deo ut ab Authore & Legislatore tradita fuit Moyfi per Angelos in Monte Synai & ab eodem Judæis promulgata.

**COROL.** Lex *Vetus* tamen si fuit Bona & Sancta, Comparativè tamen ad Legem *Evangelicam*, imperfecta fuit. Legis siquidem Veteris Sacramenta significabant tantum Gratiâ, Evangelicæ autem non solum Moraliter, sed etiam verè & Physicè eandem producunt.

**XXIV.** Præcepta Legis Veteris rectè dividuntur in *Moralia*, *Ceremonialia* & *Judicialia*.

**COROL.** Omnia Præcepta *Moralia* Veteris Legis reducuntur ad 10. Præcepta Decalogi, quorum Tria Primæ Tabulæ ordinantur ad Deum, reliqua Septem Secundæ Tabulæ ad Proximum.

**XXV.** Lex *Vetus* abrogata est quoad Præcepta *Ceremonialia* & *Judicialia*, non tamen quoad *Moralia*.

**COROL.** Lex *Vetus* tamen si desijt ac mortua fuit in ipsa Christi Domini Morte, non tamen fuit mortifera nisi post sufficientem Evangelij promulgationem per totum Mundum.

**XXVI.** Lex *Nova* seu *Evangelica* à Christo Domino instituta continet Præcepta Triplex, videlicet *Moralia*, *Sacramentalia* & *Fidei*.

## EX TRACTATU V. De Virtutibus Theologicis. De Fidei Natura, Obiecto & Subiecto.

**CONCL. I.** Fides, in quantum Virtus *Theologica*, est Habitus Supernaturalis, quo certò credimus Veritates à Deo revelatas propter Authoritatem Dei obscure Revelantis.

**II.** Fides tam *Formata*, quæ nimirum informatur Gratiâ Habituali & Charitate, quam *Informis* ipsidem spoliata, est Vere & Propriè Virtus. *Informis* tamen non est Virtus Perfecta.

**III.** Obiectum Materiale Fidei sunt omnia quæ Divinâ Revelatione nobis innotescunt.

**IV.** Obiectum Formale *Quod* Fidei est Deus sub ratione Primæ Veritatis *In Essendo*.

**V.** Obiectum Formale *Sub Quo* Fidei, seu Motivum eius Formale, est Infallibile Testimonium Dei Revelantis tanquam Primæ Veritatis *In Cognoscendo* subindeq; *In Dicendo*, summam & infinitam eius Sapiëntiam connotantis.

1. Fidei



1. Fidei Divinæ & Infusæ nunquam potest subesse Falsum.
2. Obiectum Fidei debet esse Obscurum, seu Non Visum.
3. Myſteria Fidei noſtræ vt pote Obiecta, licet ſint in ſe Obſcura, ſunt tamen Evidenter Credibilia.
4. Actum Fidei & Scientiæ vel Claræ Viſionis de eodem Obiecto repugnat ſimul eſſe in eodem Intellectu.
5. Obiectum Fidei in Symbolo Apoſtolorum ſeu in Articulis Fidei contentum, nunquam creuit quantum ad Subſtantiam, ſed ſolum quantum ad Explicationem.

COROL  
LARIA.

- VI. Illud in quod Fides ultimò reſolvitur tanquam in Rationem Formalem, eſt Divina Reuelatio Teſtificans.
- VII. Regulæ Fidei, quibus infallibiliter proponitur, ſunt Quinq; nimirum Scriptura Sacra Veteris & Noui Teſtamenti, Traditio, Eccleſia, Summus Pontifex Romanus, & Concilia Generalia legitime celebrata.
- VIII. Subiectum Fidei *Quo*, eſt Intellectus Creatus vt motus & determinatus à Voluntate. Subiectum verò *Quod*, eſt Angelus & Homo Viator, quibus ad eliciendum Actum Fidei infunditur à Deo Habitus Fidei.
- IX. Fides Theologica, non ſolum Intenſiue ſed etiam Extenſiue, poteſt eſſe maior in vno Catholico, quàm in altero.
- X. Habitus Fidei remanet in Peccatoribus, Gratiâ Sanctificante & Charitate ſpoliatis, imò & in Animabus in Purgatorio exiſtentibus.
- XI. In Hæreticis, etiamſi Vnum tantum Fidei Articulum diſcredant, non remanet Habitus Fidei Infusæ, nec in Dæmonibus, aut damnatis qui fideles fuerunt, imò nec in Beatis.
- XII. Eſſectus Fidei eſt Duplex. Timor ſcilicet Seruilis & Filialis. Deinde Purificatio Cordis.

### De Actu Fidei tam Interno quàm Externo.

- XIII. Actus Internus Fidei Supernaturalis omnibus adultis Simpliciter neceſſarius eſt ad Iuſtificationem & Salutem, non tantum Neceſſitate *Præcepti*, ſed etiam Neceſſitate *Medij*, ita vt ſine illo in Re habito iuſtificari & ſaluari non poſſint, Ordinariè loquendo.
- XIV. Ad eliciendum Actum Internum Fidei prærequiritur Pia Motio Voluntatis, Intellectum ad Credendum determinantis; ad hanc verò Motionem non requiritur Habitus Virtutis in Voluntate exiſtens, ſed ſufficit Auxilium Dei Actuale.
  1. Actus Fidei, procedens à Charitate, eſt Meritorius, quā ſecluſā, nullum eſt Meritum Præmij Supernaturalis, ſed ſolum Naturalis.
  2. Humana Ratio inducens ad ea quæ ſunt Fidei, ſi antecedit Voluntatem Credentis, minuit Meritum Fidei; ſi verò conſequatur eandem, non diminuit, quinimò auctat idem Fidei Meritum.
- XV. Actus Exterior, ſeu Externa Fidei Confeſſio neceſſaria eſt ad Salutem Neceſſitate *Præcepti* tam *Aſſeruatini*, hoc eſt de Fide exteriùs conſtitenda, dum id neceſſarium eſt, quàm *Negatiui*, ſeu de Fide exteriùs non neganda, & nihil vnquam agendo exteriùs, quod Fidei repugnat.
- XVI. Præceptum Externa Confeſſionis Fidei *Aſſeruatium*, licet obliget Semper, non tamen pro Semper, ſed pro Loco & Tempore. *Negatiuum* verò obligat, Semper & pro Semper.

### De Infidelitate in Communi.

- XVII. Infidelitas *Poſitiua*, vt repugnat Fidei, eſt Peccatum. *Negatiua* autem non eſt Peccatum, ſed potiùs Pena Peccati Originalis.
- XVIII. Infidelitas rectè diuiditur in Hæreſim, Iudaismum & Paganismum.
  1. Infidelitas ſi conſideretur quoad Modum renitendi Fidei, tunc grauius eſt Peccatum Hæreſis Iudaismo, & Iudaismus Paganismo. Si verò conſideretur Ex parte Materiæ ſeu Articulorum Fidei quos negat, tunc grauius eſt Peccatum Paganismus Iudaismo, & hic quàm Hæreſis.
  2. Non omnis Actio Infidelis, eſt Peccatum.

COROL  
LARIA.



- XIX. Infideles baptisati, qui aliquando Fidem susceperunt & ab ea defecerunt, possunt imò & debent cogi, ut relictis erroribus ad Veram Fidem redeant.
- XX. Infideles non baptisati, siue sint subditi Principibus Christianis, siue non, *Ina rectè* possunt cogi ad Fidem suscipiendam.
- XXI. Pueri Iudæorum & aliorum Infidelium, inuitis Parentibus, ante Vsum Rationis non sunt baptisandi.
- XXII. Communicatio Fidelium cum Infidelibus baptisatis Vg: cum Hæreticis in Matrimonij haberi potest: cum Infidelibus tamen Non baptisatis contrahuntur Inualide.
- XXIII. Contractus Ciuiles ut sunt Emptio & Venditio Rerum ad bonum vel malum indifferentium, licite cum Infidelibus fieri possunt.
- XXIV. In Causis seu Operibus Infidelitatis, vel Rirum aut Superstitionis, Fideli cum Infidelibus communicare non licet.

### De Hæresi.

- XXV. Hæresis propriè consistit in Errore Voluntario, contra Veritatem Fidei, cum pertinacia.
- XXVI. Hæretici, qui Internam Hæresim Exteriùs produnt Dicto, Facto, vel Nutu sufficienter illam exprimente, iuste puniuntur tam Pænis Spiritualibus Ecclesiasticis, quàm Pænis Ciuilibus, in omnibus Bonis Temporalibus, videlicet Honore, Fortunis & Vita.
- COROL LARIA. 1. Hæretici *Externi* & manifestati, ipso Facto sunt excommunicati Excommunicatione latæ Sententiæ, vnde non nisi à Papa aut etiam Episcopo, in Foro Conscientiæ à Crimine Hæresis absolui possunt.
2. Hæretici putè *Mentales*, qui nimirum Hæresim suam dictis modis exteriùs non produnt, sed intra Conscientiam contegunt, Excommunicationem dictam non incurrunt; ideoq; à quouis Confessario approbato sine ulla Priuilegio, absolui possunt.
- XXVII. Reuertentes ab Hæresi, præsertim post Secundam Corceptionem, recipiendi sunt ab Ecclesia quoad Pænitentiam seu Bonum Spirituale, non tamen quoad Bonum Temporale & Vitam.

### De Apostasia & Blasphæmia.

- XXVIII. Apostasia rectè diuiditur in Apostasiam à Fide, à Religione & ab Ordine. quarum Prima multo grauior est Hæresi.
- XXIX. Princeps propter Apostasiam à Fide quamcito denunciatur Excommunicatus, ipso facto amittit Dominium in subditos, ita ut ei obedire non teneantur.
- XXX. Blasphæmia est locutio contumeliosa, quâ derogatur Diuinæ Bonitati, vel negando aliquid de Deo quod ei conuenit, Vel asserendo de Deo, quod Excellentiæ illius non conuenit, Vel tribuendo Creaturæ, quod Deo proprium est.

### De Spei Natura, Obiecto & Subiecto.

- CONCLUSIO I. Spes Christiana est Habitus Infusus, per quem Voluntas firmiter tendit in DEVM, ut in Bonum arduum, futurum, consequi possibile ipsius DEI auxilio.
- CONCLUSIO II. Obiectum Formale *Quod*, seu Terminativum Spei Theologicæ est DEVS ut clarè Videndus & Amandus.
- CONCLUSIO III. Ratio Formalis *Sub Qua* seu Obiectum Motivum Spei Theologicæ est Omnipotentia DEI ut Auxilians in ordine ad Beatitudinem æternam.
- CONCLUSIO IV. Subiectum Spei ut *Quo* est Appetitus Rationalis seu Voluntas. Subiectum verò ut *Quod* est Homo Viator qui nondum peruenit ad Terminum.
- CONCLUSIO V. Spes in omnibus Fidelibus in quantum Viatoribus inuenitur, tametsi aliquo Peccato Mortali, quod non sit *Desperationis*, sint infecti.
- CONCLUSIO VI. Habitus Spei Theologicæ non remanet in Beatis.
- CONCLUSIO VII. In Hæreticis & Infidelibus, cum non reperiatur Fides, quæ est Spei fundamentum & Substantia sperandarum rerum, proinde nec reperitur in iisdem Virtus Spei Theologicæ.
- CONCLU: VIII. Spes non remanet in damnatis, bene tamen in Animabus in Purgatorio existentibus.



## De Desperatione & Præsumptione.

CONCL. IX. Desperatio est defectus Spei, quo quis falsam de Deo existimationem habet, quòd Peccatori penitenti Veniam deneget, vel quòd Peccatorem ad se per Gratiā Iustificātem non conuertat.

X. Desperatio est certissima in damnatis, qui etsi non sperent, non eis imputatur ad Culpam, sed est pars damnationis ipsorum.

XI. Præsumptio est nimia fiducia de Dei Bonitate & Misericordia, dum quis sperat se Veniam consecuturum sine Penitentia, vel Gloriam sine meritis, ac sine Voluntate Obseruandi Mandata Dei.

## De Charitatis Natura, Subiecto & Obiecto.

CONCLUSIO XII. Charitas Theologica est Habitus Supernaturalis inclinans ad amandum DEVM super omnia, Amore Amicitiae.

XIII. Charitas est vera Amicitia inter DEVM & Homines iustos.

1. Charitas Habitualis quā DEVM diligimus, non est ipsemet Spiritus Sanctus Actum Dilectionis in nobis per seipsum immediate Operans, sed est Qualitas ab eo producta.

COROL. LARIA. 2. Charitas est Forma quādam in Genere Moris Omnium Virtutum.

3. Charitas est perfectior & præstantior Virtutibus nedum Moralibus, sed etiam Theologicis Fide & Spe.

XIV. Subiectum *Inhabitionis* Charitatis Theologicae est Voluntas Denominationis vero est Homo Viator, Animæ in Purgatorio existentes, Angeli in Cælo ac Beati omnes, exceptis damnatis tam Angelis quā Hominibus.

1. Charitatis Quantitas non infunditur secundum aptitudinem & capacitatem Naturæ, sed ex solo Beneplacito Spiritus Sancti infundentis.

COROL. LARIA. 2. Charitas Habitualis Viæ & Patriæ est eadem Specie & Numero Virtus, *In Esse Physico* spectata, tamen differant *In Esse Morali*.

XV. Charitas Habitualis *In Statu Viæ*, Ex parte Subiecti augeri potest Intensiue, etiam in Infinitum, non tamen Charitas *Viæ* potest adæquari Charitati *Patriæ*.

1. Augmentum Charitatis sicut & Gratiae in Hominibus iustis fit Ordinariè per bona Opera Virtutum, vel per Instrumenta aliqua ad hunc Effectum à Deo instituta.

2. Actus Charitatis licet Remissi, augmentum Habitûs Charitatis & Gratiae merentur.

COROL. LARIA. 3. Actui Remisso Charitatis non statim confertur Augmentum Habitûs, sed solum quando Homo elicit Actum Intensiorem, quo se disponit ad Augmentum Habitûs eiusdem.

4. Habitus Charitatis, sicut & aliarum Virtutum *Infusarum*, non augetur nostris Actibus Efficienter & Physicè, sed à solo Deo; à nobis vero Moraliter tantum idq; Dupliciter, Dispositiue scilicet & Meritoriè.

5. Charitas amittitur per quemuis Actum Peccati *Mortalis*, non item verò *Venialis*.

XVI. Obiectum Formale *Præmarium* Charitatis Habitualis est DEVS, vt in se infinite Bonus, obindeq; Diligibilis super omnia; *Secundarium* verò eius Obiectum est Proximus, qui diligitur propter DEVM.

1. DEVM Obiectiue atq; Appretiatiue prius & magis Amare tenemur, quā vllam Creaturam.

2. Habitus Charitatis de Necessitate extendit se etiam ad Dilectionem Inimicorum.

COROL. LARIA. 3. Idem Habitus extendit se quoq; ad Dilectionem Peccatorum, si considerentur Secundum *Naturam*, non autem Secundum *Culpam*.

4. Habitu Charitatis etsi diligendi sint etiam Angeli, non tamen Dæmones quā tales sunt.

5. Charitas vt se extendit ad DEVM & Proximum, est Virtus Vnius & eiusdem Speciei *Athomæ*.



## De Actibus seu Effectibus Charitatis.

**CONCLUSIO XVII.** Actus seu Effectus Charitatis rectè numerantur 7. Dilectio, Gaudium Spirituale, Pax, Misericordia, Beneficentia, Eleemosyna & tandem Correctio Fraternalis.

**XVIII.** Vitia tam Charitati quàm Effectibus illius Opposita conuenienter assignantur hæc. Dilectioni opponitur Odium. Gaudio Acedia & Inuidia. Paci Discordia, Contentio, Schisma, Bellum, Rixa & Seditio. Beneficentiæ, tandem & Correctioni Fraternali opponitur Scandalum.

## EX TRACTATU VI. De Iustitia, Restitutione & Iustitialibus Obligationibus.

**CONCLUSIO I.** Iustitia rectè dicitur esse Perpetua & constans Voluntas, Ius suum unicuique tribuens.

**CONCL: II.** Iustitiæ Obiectum *Formale* est Ius seu Iustum, prout dicit Aequalitatem ad alterum. *Materiale* verò *Proximum* sunt Actiones Humanæ *Remotum* autem sunt Res externæ, conditione suâ directæ ad alterum.

**COROLLARIA.** (1. Iustitia non versatur circa moderandas Passiones Animæ, nonnisi Remotè seu mediantibus alijs Virtutibus Moralibus.

(2. Medium Iustitiæ, est *Medium Rei*. Medium autem aliarum Virtutum Moralium, est *Medium Rationis*.

(3. Præcepta Decalogi sunt Præcepta Iustitiæ.

**III.** Subiectum Iustitiæ est Appetitus Rationalis seu Voluntas, quâ mediante reddimus unicuique quod suum est.

**IV.** Iustitiæ rectè diuiditur in Partes Subiectiuas seu Species suas, nimirum in *Commutatiuam*, *Distributiua* & *Legalem*.

(1. In Iustitia *Commutatiua* Medium sumitur *Arithmeticum*, In *Distributiua* autem *Geometricum*.

**COROLLARIA.** (2. In Iustitia *Commutatiua* & *Distributiua* Iustum, est idem quod *Contractum*, *Non Simpliciter*, vt quis repatiatur idem in Genere & Specie quod fecit, sed *Æquiualeuter* & *Secundum Proportionem*.

## De Dominio.

**CONCLUSIO V.** Dominium rectè dicitur esse Ius In Re, seu Facultas propria vtendi Re in quemuis vsum Lege permissum, tanquam in proprium Commodum.

**VI.** Dominium vt sic sumptum diuiditur in *Iurisdictionis* & *Proprietatis*, quorum illud subdiuiditur in *Sæculare* & *Ecclesiasticum*, hoc verò in *Perfectum* & *Imperfectum*.

**VII.** Subiectum Dominiij veri Temporalis est Omnis Homo, & hic quidem solus inter Creaturas Corporales habet earum Dominium.

**COROLLARIA.** (1. Homo præter Dominium Benorum Temporalium, etiam Famæ ac Honoris sui Verus est Dominus.

(2. Homo Vitæ suæ non est Dominus, sed tantum Custos & Vsufructuarius.

(3. Dominium strictè sumptum distinguitur ab Vsu.

## De Iudicio.

**CONCLUSIO VIII.** Iudicium importat rectam determinationem eius quod Iustum est. *Proprie* Est Actus Iustitiæ ab eiusdem Habitu procedens.

**IX.** Iudicium circa Materiam Iustitiæ, *Elicitiue* procedit ab ea Parte Prudentiæ quæ dicitur Synesis, Intellectuique inexistit; *Dispositiue* autem ab Habitu Iustitiæ in Voluntate residente.

**X.** Iudicare etsi licet Iudici contra Veritatem quam nouit, propter allegata & probata; potest tamen ac debet pro tunc priuatâ Prudentiâ vti ad diligentius examinandas Probationes, & ad inuestigandum earum defectum.

(1. Aduocatus grauiter peccat, si Scienter, Iniustam Causam defendit, & tenetur ad Restitutionem Damni, quod ex ipsius patrocinio sentit Pars Aduersa.



2. Iudicium *Usurpatum* est iniquum, obindeq; non tantum est Nullum, sed etiam ex suo Genere est Peccatum Mortale.

3. Iudicium tam *Forense*, quam *Priuatum* procedens ex Suspicionem orta ex leuibus indicijs, si sit deliberatum & in Re Graui, etiam est Peccatum Mortale.

4. In Iudicio *Personarum*, sed non in Iudicio *De Rebus*, Dubia sunt in meliorem partem interpretanda.

XI. Iniuriæ Verborum quæ inferuntur Extra Iudicium, sunt Quinq; nimirum Contumelia, Detractio, Sufurratio, Derisio, & Maledictio.

COROLLARIUM. Audiens Voluntariè Detrahentem & eum tolerans, Grauius peccat, si potest ei vel tenetur ex Officio resistere.

## De Vitijs Oppositis Iustitiæ.

CONCLUSIO XII. Iustitiæ soli Strictè sumptæ nullum opponitur Vitium *Per Excessum*, sed tantum *Per Defectum*.

COROLLARIUM. Iustitiæ *Legalis* Oppositum Vitium est *Legalis Iniustitia*, vulgò dicta *Illegalitas*. Iustitiæ *Distributiue* opponitur *Acceptio Personarum*. *Commutatiua* tandem contrariantur Omnia illa Vitia vel Peccata, quæ Proximo inferunt nocumentum, siue in Vita, vt Homicidium, siue in Honore vt Contumelia, Detractio, Maledictio, siue in Bonis Externis, vt Furtum, Rapina, Fraudulentia, Usura & similia.

XIII. Sola Actio iniusta ex Intentione & Electione facta, constituit Hominem & Actum eius iniustum.

(1. Sicut nullus potest facere Iniustum (Per se & Formaliter loquendo) nisi Volens; ita nullus potest pati Iniustum, nisi Nolens.

2. Iniustitia Legalis, respiciens neglectum Boni Communis tanquam suum Obiectum, *Principaliter* in Præside Communitatis ex Vi Officij, *Executiue* autem in Subditis existentem, quantum ad Intentionem est Vitium Generale.

3. Jus *Distributivum* Violatum in distribuendis Officijs Publicis, & in Bonis Fortunæ Communibus Reipublicæ tam *Sacra*, quam *Profane*, Violatorem facit obnoxium Restitutioni.

4. *Acceptio Personarum* Iustitiæ *Distributiue* Opposita, si sit ad Bonum *Commune* ordinata, non est Peccatum. Secus verò ad Bonum *Priuatum*, si non attendatur ad Meritum & Idoneitatem eius cui datur, sed ex alia Causa humani respectus impertinenti ad Causam dandi.

5. In Iustitia Generaliter idq; circa eandem Materiam sumpta, Peccatum *Transgressionis*, quod versatur duntaxat circa Præcepta *Negatiua*, Grauius est Peccato *Omissionis*, quod solum extendit se ad Præcepta *Affirmatiua*.

## De Homicidio.

CONCLUSIO XIV. Malefactores tantum, idq; Principibus & Iudicibus Authoritatem Publicam habentibus, non verò Priuatis Personis, occidere licet.

XV. Non licet in Foro Conscientiæ Patri occidere Filium, aut Adulterum in scelere comprehensos, ante Sententiam legitimè laram.

XVI. Defensio Vitæ propriæ, cum moderamine *Inculpata tutela* & absq; Intentione occidendi Hominem, est licita.

XVII. Casualiter & Inuoluntariè occidens Hominem, Reatum Homicidij non incurrit, nisi ad hoc euitandū minus diligens fuerit, vel Rei illicitæ operam dederit.

XVIII. Etiam Mutilatio est illicita, nisi sit ob Bonum Publicum, vel ob sanitatem Corporis, cum consensu Medici.

XIX. Occidere quacūq; Viuentia propria tamen licitum sit, in occidendis tamen Animalibus abstinendum est à Crudelitare.

XX. Incarcerare, Ligare aut qualitercūq; Detinere quempiam illicitum est, nisi id fiat à Iudice in Penam, vel ad cautelam Mali alicuius vitandi.

## De Furto.

CONCLUSIO XXI. Furti Generaliter accepti Species rectè assignantur Sex, videlicet Simplex Furtum, Peculatus, Plagiatum, Sacrilegium, Abigeatus & Rapina.



XXII. Ad hoc, ut Furtum sit Peccatum Mortale, requiritur Materiae notabilis Quantitas, arbitrio Prudentis pro varia Personarum aut Locorum Conditione determinanda.

XXIII. Quae nullius vnquam fuerunt, ut Gemmae & Lapilli pretiosi in Littore Maris inuenti, talia de toto Occupanti conceduntur. Theauri tamen antiquitus defossi, & in loco alieno, casu inuenti dimidium, aequè Domino Loci, ac Inuentori cedere debet.

XXIV. Piscatio in fluminibus, aequè sicut Aucupium & Cassio Lignorum in Syluis Communibus, si ad Vsum sibi duntaxat necessarios, & praeter magnam stragem fiat, Peccatum Mortale non importat.

XXV. Milites, praedas ex hostibus reportantes in Bello iusto, Iure Gentium capiunt easdem, Rapinam non committentes.

### De Venditionibus.

CONCLUSIO XXVI. Fraude adhibita, Rem *pluris* iusto pretio vendere, aut *minoris* iusto emere, Peccatum est ex suo Genere Mortale.

XXVII. Vitium Rei Venalis si sit occultum, priusquam vendat eandem Venditor, tenetur illud dicere: non item verò si sit manifestum, aut minuat pretium eius, quantum aequitas postulat.

XXVIII. Vendere aut Emere Rem vnā pro alia, non in debita Mensura ac Re Qualitate, illicitum est & peccaminosum.

### De Vsurā.

XXIX. Vsurā, hoc est Pecuniae Vsum, cum Per se sit malus, ideo prohibetur Iure Naturali ac Positivo, eoq; non solum Humano, sed etiam Divino, estq; Peccatum.

XXX. Propter expectatam solutionem, Vendere Rem *pluris* iusto, Secundum se Vsurā est.

### De Restitutione.

CONCLUSIO XXXI. Restitutio, quae est Actus Iustitiae *Commutativa*, quo Res ab alio accepta redditur, vel Damnum illatum aequialenter compensatur, Necessaria est ad Salutem Necessitate *Praecepti*.

XXXII. Qui laedit Proximum in Bonis *Anima*, cuiuscunq; sint Generis & Ordinis, ipso nesciente vel contradicente, ac proinde per vim & per fraudem vel dolum, siue id fiat *Directè* siue *Indirectè*, tenetur ei ad Restitutionem faciendam ex Lege Iustitiae, & multo magis ex Lege Charitatis. tenetur enim ipsum restituere perfectae Libertati, vel fraudem & dolum aperire; imò tenetur ad completam Restitutionem, si Damnum Temporale ex huiusmodi laesione proveniat.

1. Si quis ademerit Vsum Rationis ab aliquo Voluntariè quocunq; Modo, vel impedierit ad Tempus notabile, (vg. beneficijs turbando Phantasiam) & hic patiatur detrimentum Temporale, quia non potest exercere suum Officium, Iudicis vg. vel suam Artem, illi facienda est Restitutio quantum sufficit ad Arbitrium Viri Prudentis, puta secundum Conditionem Personae, Temporis, Modi, &c. Si autem detrimentum redundat ad Cōsanguineos taliter laesi, tunc eis facienda est eiusmodi Restitutio.
2. Si quis pertraxerit Proximum ad perpetrandum aliquod Crimen per vim, aut per fraudem & dolum, & inde proveniat ei aliquod damnum Temporale, tenetur ex Iustitia, amota vi & fraude, eidem facere Restitutionem vel in Bonis *Fortuna*, vel in Restitutione *Bona Fame*. Et similiter facienda est Restitutio alijs, ad quos tale damnum redundaret.
3. Si quis deliberatè pertrahit Proximum ad peccandum, propter quod amittit Gratiā; si taliter pertrahens intendat amissionem Gratiā aut Offensam Dei, Grauius peccat, quam si occidisset, aut Bona omnia Externa abstulisset.
4. Qui alterum trahit ad peccandum, siue vi & dolo, Peccato tali quod alijs non noceat, in vim Restitutionis tenetur eum reuocare a Peccato, Consilio saltem & Bono Exemplo.

XXXIII.



XXXIII. Qui lædit Proximum in Bonis *Corporis*, tenetur ei ad Restitutionem in eodem Genere Boni, quando est possibile. Vnde sufficienter satisfacit subeundo Penam à Iudice taxatam; damnum autem ex læsione proueniens tenetur ipsi Proximo & interdum eius Hæredibus necessarijs recompensare.

- COROLLARIA.
1. Si Homicida, Mutilator, vel qui læsit Proximum in Bonis *Corporis* moriatur, tenentur Hæredes ex Bonis eius Restituere & damnum illatum recompensare.
  2. Si duo consentientes mutux prouocationi se lædant in Bonis *Corporis*, non tenentur sibi ad Restitutionem. Quod si vnus tantum ex illis sit Prouocans, tenetur ad Restitutionem, si læserit prouocatum ad certamen coactum.

XXXIV. Qui læsit Proximum in Honore & Bona Fama, tenetur ei ad Restitutionem etiam quoad omnia damna ex illorum ablatione secuta.

COROLLARIA. Infamatus, si sit Persona *Privata*, potest condonare Obligationem Restituendi Famam suam. Secus verò si sit Persona *Publica*, vt Prælatus, cuius Infamia redundaret in subditos. & similiter ille, qui haberet Famam suam alijs obligatam.

XXXV. Qui læsit Proximum in Bonis *Fortune*, tenetur ei ad Restitutionem in eodem Genere Bonorum si sit possibilis, vel æquivalenti quopiam satisfaciendo, etiam cum æquali detrimento proprii commodi.

- COROLLARIA.
1. Qui emit Rem Furtiuam, tenetur illam Restituere Domino suo, tum quoq; Fructus eius quos ex ea percepit, si per hoc factus est locupletior.
  2. Qui damnum infert alteri Voluntariè, tenetur ad Restitutionem eius in quodammodo intulit, siue ad damnificantem aliquid istius Rei peruenerit, siue non.
  3. Qui rem alienam detinet inuito Domino, peccat, & ad Restitutionem pro omni Tempore obligatur; nisi alias petat dilationem ab eo, cui debet.
  4. Depositum absq; Culpa Depositarij ablatum, non obligat eundem ad Restitutionem Deponenti illud faciendam: Secus autem dicendum, si Depositarius cum magna sua Culpa Rem depositam amitteret.
  5. Omnis Cooperans Furto, quocunq; modo & ex Intentione deliberata, seu Qui iniustæ acceptionis est Causa Directa vel Indirecta, tenetur ad Restitutionem, etiamsi ad ipsum nihil Rei alienæ peruenerit.

Portò talis Cooperatio, ne dum Furto, sed alijs etiam Peccatis communis sit 9. Modis sequenti Disticho comprehensis.

*Iussio, Consilium, Consensus, Palpo, Recursus*

*Participans, Mutus, Non obstant, Non manifestans.*

## APPENDIX. De Gratijs gratis datis. Et Primò De Prophetia.

CONCLUSIO I. Prophetia est Inspiratio vel Reuelatio Divina, per quam tum Futura Contingentia prænoscentur ac prædicantur, tum alia quæ Naturalem nostram Cognitionem superant, cognita annunciantur.

CONCLUSIO II. Prophetia ratione Obiecti rectè diuiditur in Prophetiam *Prædestinationis DEI, Præscientiæ, & Comminationis*.

- COROLLARIA.
1. Prophetica Reuelatio hominibus à DEO fit Angelorum ministerio.
  2. Ad Prophetiam non requiritur aliqua præcedens Dispositio Naturalis, sed ex solâ Spiritus Sancti Voluntate hominibus infunditur.
  3. Visio Prophetica etsi interdum fiat per Abstractionem à Sensibus Exterioribus, non tamen semper.
  4. Visio Prophetica non est ipsius Divinæ Essentiæ Visio; neq; in ipsa Divina Essentia vident ea, quæ vident, sed in quibusdam similitudinibus secundum illustrationem Divini Luminis.

## De Raptu.

CONCLUSIO I. Raptus est Anima humana ad Divina & Supernaturalia cognoscenda Eleuatio facta Virtute Divinâ, cum abstractione à Sensibus.



- (1. Videre DEVM per Essentiam impossibile est Homini Viatori, nisi abstrahe-  
tur à Sensibus.  
COROLLARIA. 2. Raptus, Proprie loquendo, solum pertinet ad Vim *Cognoscitivam*, non ve-  
ro ad *Appetitivam*.  
13. Supra Extasim, quam Amor Divinus facit, Raptus addit quandā Violentiā.

### De Gratia Miraculorum.

CONCLUSIO I. Præter Linguarum & Sermonis Gratiā, Ad Fidelium ædificationem quibusdam hominibus Spiritus Sancti opere gratis datā, superadditur ad Sermonis confirmationem Gratia Miraculorum.

CONCLUSIO II. Mali, inuocato Nomine Christi vel Sancti alicuius in Vera Fide, ad confirmationem Doctrinæ vel Sanctitatis Veræ duntaxat & Non falsæ, possunt Miracula facere.

COROLLARIUM. Quæ sunt à Dæmone, non sunt Vera Miracula, quia sunt Virtute Causarum Naturalium.

### De Officijs & Statibus Hominum.

CONCLUSIO I. Ad Ecclesiæ DEI perfectionem & decorem, decuit in ea diversorum Officiorum & Statuum Munera diversis Personis distributa inueniri, pro diversitate multarum Actionum, quæ in illa sunt necessaria.

CONCLUSIO II. Status notiores ac celebriores reperiuntur potissimum Tres, *Congregatorum* videlicet, *Religiosorum* & *Episcoporum*, quorum singuli suos habent Gradus & Officia.

### De Perfectione in Communi.

CONCLUSIO I. Perfectio Vitæ Christianæ Specialiter attenditur secundum Charitatem, quam secundum alias Virtutes.

CONCLUSIO II. Perfectio Vitæ Christianæ Per se & Essentialiter consistit in *Præceptis*, Secundario autem & Accidentaliter in *Consilijs Evangelicis*, ut pote quæ sunt Media ad illam.

DEO Patri Ingenito, FILIO Unigenito,

SPIRITUI Sancto Paraclito,

Immensæ, Aternæ, Beatæ, Semperq; Adorandæ

Sacrosanctæ & Individuæ TRINITATI,

Omnis Perfectionis Fonti,

Aternus sit Honor

& Sempiterna Veneratio.

SUB FELICISSIMO REGIMINE,

Magnifici, Perillustri, & Reverendissimi Domini,

D. M. SEBASTIANI

PISKORSKI,

I. V. Doctoris & Professoris, Ecclesiarum, Cathedralis Cracoviensis

& Vielonensis CANONICI, SS. OO. ARCHIDIAconi,

Scholarum Novodvorskianarum PROVISORIS,

Studij Almæ Universitatis Cracoviensis PROCANCELLARII,

GENERALIS ac VIGILANTISSIMI

RECTORIS.